

Poesia in dialetto
"SGUNDEN"

I Caretér

'Na volta a gh'era tant caretér
cm' i cavai, bari, casón, par far al mestér;

in di buregh vèc' la so residensa,
stali e cavai poc luntàn da la cardensa.

L'era un mestér d'ür, fadigus,
specialment d'istà quanda picia al sul.

Al lèt dal Tar la so miniera
quand l'era magar, schivand la piena;

sbadilar gèra, sabia, sgiavra al so lavur,
da l'Ave Maria al calar dal sul.

Al famii di Patén i pö numerus,
Lèsio, Bidèla, Ramuén i magiur,

i Pelagat, i Golini, Gaibàs dét al "magar",
i Busei, Poldo, Tamagno con Jufón da i'asen,

i fradei Campanén "i Canòn" caretér-curér,
avanti indré da Parma cme tant feroviér.

In primavera al Cmon al divideva al stradi,
a ogni caretér ach tucava al so rati.

Long al stradi i möcc' ad gèra i purtaven,
d'avtón i maridén con la caréta i la straiaven;

anca i müradur i gh'aven bisogn di caretér
par purtar al material in di cantér.

S'i trasportaven i prudot a d'la campagna
i guadagnaven al fén par tött l'anada.

Con la bröta stagiòn a gh'era poc lavur,
i faven scorta in magazén par i'aventur;

d'inverén i sgumbraven al stradi da la néva,
spetand con ansia la primavera.

Costa l'é la storia di vèc' caretér,
cm'al prugrès i giuen i'an cambià mestér.

